


# OSNOVAC

Školski list predmetne nastave JU OŠ "Bukinje"

Školska 2019/2020. godina



Br. XVI

**Dragi čitaoci,**

pred vama je novo izdanje školskog lista "Osnovac", lista kojeg uređuju i kreiraju đaci i zaposlenici predmetne nastave naše škole. Zadovoljstvo nam je prikazati sve što se realizuje u našoj školi i upoznati vas sa našim aktivnostima. U ovom, XVI broju, upoznat ćete se sa aktivnostima koje su realizovane u I polugodištu školske 2019/2020. godine.

Realizovali smo mnoštvo aktivnosti i želja nam je, na ovaj način, prezentirati sve što smo zajednički uradili u našem školskom okruženju.

Iskreno se nadamo da ćete uživati u ponuđenim sadržajima.

**Redakcija**

mr. sci Amra Okanović, školski pedagog-psiholog i Emina Lubić IX-b

**REDAKCIJA LISTA**

**Glavni i odgovorni urednik:** mr. Edin Tulić, direktor

**Redakcija:** Đaci i nastavnici/profesori predmetne nastave

**Lektor:** Marjana Stevanović, nastavnik bosanskog, hrvatskog, srpskog jezika i književnosti

**Fotografije:** Redakcija lista „Osnovac-predmetna nastava” i internet

**Naslovna strana:** Elvira Šišić, prof. tehničkog odgoja i informatike

## NAŠ DOPRINOS INKLUZIVNOJ NASTAVI

Mi smo učenici Osnovne škole „Bukinje“ u Bukinju. Pohađamo deveti razred. Oba odjeljenja, 9-a i 9-b, imaju naše mjezimice, a to su Jurić Sara i Lubić Emina. Iako imaju poteškoće u učenju, s nama to lakše prebrode.

Nismo uvijek mogli sami pronaći rješenje, pa su s nama bili uposlenicu Zavoda za odgoj i obrazovanje osoba sa smetnjama u psihičkom i tjelesnom razvoju Tuzla. Pokazali su nam put, otvorili svoja vrata i mi smo vremenom postali jedna porodica.

Posjete su bile obostrane; a najviše smo voljeli gostovati u Zavodu za novogodišnje praznike. Muzika, ples, pjesma, vesela lica, nova prijateljstva otvarala su vrata nastupajuće godine. U svaki paketić utkana je ljubav i želja da naše mostove prijateljstva nastave naredne generacije.

Korak po korak i prva stepenica našeg obrazovanja bliži se kraju, pa smo u završnoj godini uradili brošuru koja će nositi sjećanje protkano lijepim trenucima.

Osmjehnite se, raširite ruke, iza vrata uvijek vas čeka dobro srce dječije.

Učenici Osnovne škole „Bukinje“

**Tekst:** Marjana Stevanović, nastavnik BHS jezika i književnosti

**Fotografije:** Olgica Bešić, prof. matematike



Učenici IXa i IXb na času odjeljenske zajednice, u pripremi materijala za rad sa učenicima sa poteškoćama u obrazovanju (razrednice: Marjana Stevanović i Elvira Šišić)

## OBILJEŽILI SMO 5. OKTOBAR, SVJETSKI DAN UČITELJA



5. oktobar, Svjetski dan učitelja, zaposlenici naše škole, proslavili su izletom u Bijeljini, odnosno Etno selo Stanišići. Bila je ovo prilika za lijepo druženje, razgovor, pjesmu i ugodan ručak. Naizbježna je bila i posjeta Bijeljini u kojoj smo uživali tokom prelijepog, sunčanog, jesenjeg dana. Bila je ovo i prilika za druženje sa našom penzionerkom Sahrom Piragić, nastavnicom razredne nastave, ali i prilika da iz kolektiva, zbog prelaska u drugu školu, ispratimo Vesnu Zekanović, nastavnicu razredne nastave i Editu Tosunbegović, prof. njemačkog jezika. Kolege i kolegice koje su bile spriječene putovati, prisustvovali su Svečanoj manifestaciji, koja je organizovana u Bosanskom kulturnom centru Tuzla.

**Tekst:** Elvira Šišić, prof. to i inf.

**Fotografije:** Amra Okanović, pedagog-psiholog



Posjeta dijela kolektiva JU OŠ "Bukinje" Etno selu Stanišići kod Bijeljine

## OBILJEŽILI SMO 5. OKTOBAR, SVJETSKI DAN UČITELJA

### Moja nastavnica Marjana

Moja nastavnica draga je i mila,  
Uvijek nasmijana, vesela i čila.  
Voli svaki dan i svaki cvijet,  
Voli nas i cio svijet.

Voli podjednako djevojčice i dječake,  
A najviše voli vrijedne đake.  
Priča nam o svemu i sa nama se šali,  
U tom momentu, ništa nam ne fali.

Svaki čas je priča nova,  
Eto, baš takva je nastavnica moja.

### Evel Ibrahimović, VI-a

### Moja razrednica

Moja razrednica je uvijek nasmijana i vesela,  
Ona je nježna, ljupka i mila.  
Moja je razrednica veliki borac za nas đake.

Njena topla riječ i zagrljaj  
grije nas kao vatra.  
Njena plemenita duša,  
Uvijek je puna ljubavi.

Uvijek je puna razumijevanja,  
Čuva nas od svih problema i nedaća.

Zato je ona za nas najbolja razrednica.



### Moja nastavnica

Savjetnik je pravi,  
Slušatelj i drug,  
Nekad malo nasmijana,  
Nekad malo ljuta.

Za sve izlaz ima,  
Za sve ima plan,  
Kad nas malo kažnjava,  
Dnevnik joj je drag.

Ali dobra u duši,  
I smiren joj glas,  
Dok nas sve saslušaj,  
i njoj prođe dan.

Nastavnica moja,  
A i svih nas,  
Mi ćemo se truditi,  
Da sačuva glas.

### Učiteljica Emina

Moja učiteljica zvala se Emina,  
Vitka je kao jela, a dušu ima  
Kao pahulja bijela.

Po cijeli dan ona se muči,  
Da nas svemu nauči.  
Puna je morala, snage i vedrine,  
Pa uspijeva da nam nauka bauk nije.

Zato, učiteljice, veliko Vam hvala,  
Za sve što ste nama dali.

### Novak Petar, VI-a



## MATURANTI U POSJETI MC POTOČARI I SREBRENICI

Maturanti naše škole, učenici IX-a i IX-b, njih 31, su u pratnji razrednica: Elvire Šišić, Marjane Stevanović i majke Emine Lubić, gospođe Elvire Lubić, su u ponedjeljak, 7. oktobra 2019. godine, realizovali edukativnu posjetu Memorijalnom centru Potočari i samom gradu Srebrenica. Na putovanje smo krenuli, sa izabranom TA Oceanic, u 7.30 sati.



Maturanti po dolasku pred MC Potočari

Posjeta MC Potočari, protekla je u miru i tišini, tišini u kojoj odjekuje eho hiljade bijelih humki. Na mezarju smo učenjem Fatihe i na drugi prigodan način, odali počast žrtvama najvećeg genocida od završetka II Svjetskog rata.



Maturanti u haremu MC Potočari

U MC Potočari, dočekaio nas je jedan od kustosa, koji nas je, nakon predavanja o detaljima događanja u kobnom mjesecu julu 1995. godine. Ispričao je i o vlastitim iskustvima boravka i života u „zaštićenoj enklavi“ Srebrenica, o svakodnevnoj torturi kojoj su bili izloženi, ali i činjenici, da je imao sreću, da bude jedan od preživjelih u Maršu smrti, koloni koju su civili Srebrenice i Žepe formirali u pokušaju da pješaćenjem kroz neprijateljske teritorije, dođu do slobodne u Nezuku, odnosno Tuzli. Potom nas je poveo u bivšu Fabriku akumulatora, gdje je stalna postavka fotografija o događanjima u Potočarima i Srebrenici, nekada Zaštićenoj enklavi UN-a, u periodu od 1993. do jula 1995. godine.

U Memorijalnom centru je do jula 2019. godine, ukopano 6.643 žrtve genocida. Potom smo, puni utisaka pogledali projekciju filma „1995 Srebrenica-jedna sedmica jula“. Suze nismo mogli suzdržati... U MC Potočari, dočekaio nas je jedan od kustosa, koji nas je, nakon predavanja o detaljima događanja u kobnom mjesecu julu 1995. godine. Ispričao je i o vlastitim iskustvima boravka i života u „zaštićenoj enklavi“ Srebrenica, o svakodnevnoj torturi kojoj su bili izloženi, ali i činjenici, da je imao sreću, da bude jedan od preživjelih u Maršu smrti, koloni koju su civili Srebrenice i Žepe formirali u pokušaju da pješaćenjem kroz neprijateljske teritorije, dođu do slobodne u Nezuku, odnosno Tuzli. Potom nas je poveo u bivšu Fabriku akumulatora, gdje je stalna postavka fotografija o događanjima u Potočarima i Srebrenici, nekada Zaštićenoj enklavi UN-a, u periodu od 1993. do jula 1995. godine. U Memorijalnom centru je do jula 2019. godine, ukopano 6.643 žrtve genocida. Potom smo, puni utisaka pogledali projekciju filma „1995 Srebrenica-jedna sedmica jula“. Suze nismo mogli suzdržati...

Poražavajuća je činjenica da istina o događajima u julu 1995. godine, još uvijek nije doprla do mnogih, ali smo iz MC Potočari ispraćeni sa spoznajom da svako treba svjedočiti zabilježenim scenama stradanja, pričama preživjelih, tugom i suzama majki, djece, sestara, supruga...koje su u nekoliko dana ostale bez svojih najdražih, muških članova porodice...djece, sinova, očeva...

Ovdje smo danas bili da spoznamo, pamtimo, opominjemo i da nikada ne zaboravimo! Odvje smo danas bili s molbom da se ovakvo zlo, nikada i nikome ne ponovi.

Nakon posjete MC Potočari, posjetili smo i Srebrenicu, u kojoj su članovi grupe ručali. Uslijedio je povratak za Tuzlu, do koje smo sređivali utiske o današnjoj vrlo dirljivoj, ali i edukativnoj posjeti.

**Tekst:** Elvira Šišić, prof. to i inf.  
**Fotografije:** Elvira Šišić, prof. to i inf.

## JESENJI IZLET NA BIJAMBARE

Jesenji izlet učenika od V do VIII razreda, naše škole, planiran GPRŠ u školskoj 2019/2020. realizovan je 9. oktobra 2019. godine, posjetom Zaštićenom pejzažu Kantona Sarajevo, „Bijambare“. Izletu su prisustvovali učenici sa razrednicima: Va- Muris Tufekčić; Vb-Gutić Begzada, VIa-Sabina Jogunčić, VII-a-Sabina Avdić, VIIIa- Haida Ahmetović (zamjena); a ispred škole, grupu su pratile: Elvira Šišić i Fišeković Amra.

Grupu đaka prevozila su dva autobusa TA „Holiday“ Živinice, koji su izabrani kao najpovoljniji ponuđači, a ispred škole smo krenuli u 8.00 sati. Putovanje do Bijambara, proveli smo u ugodnoj atmosferi. Do kompleksa sa restoranom i pećinom, dovezli su nas eko-električnim vozićem i u toku vožnje, uživali smo u svježem zraku crnogoričnog drveća, čije šume ukrašavaju ovaj predio. Uslijedio je kratki predah za dokrućak ili ručak i osvježenje u restoranu ili uz hranu i pića koje su učenicima obezbijedili njihovi roditelji. Uživali smo u porcijama uštipaka od heljdinog brašna i domaćeg kajmaka, a potom su se đaci prepustili čarima zabave, šetnje, odmora i igre.



Vožnja električnim vozićem



Igra i zabava na Bijambarama

Uslijedio je kratki predah za dokrućak ili ručak i osvježenje u restoranu ili uz hranu i pića koje su učenicima obezbijedili njihovi roditelji. Uživali smo u porcijama uštipaka od heljdinog brašna i domaćeg kajmaka, a potom su se đaci prepustili čarima zabave, šetnje, odmora i igre.

Podijeljeni u dvije grupe, u pratnji vodiča, naši su đaci uživali u ljepotama Srednje bijambarske pećine. Na licima đaka, moglo se pročitati zadoboljstvo viđenim sadržajima unutar pećine, što svjedoče i fotografije koje su načinili.

Povratak do parkinga na kojem su bili smješteni naši autobusi, uslijedio je u 14h, a đaci su vrijeme između, popunili igrom, smijehom i zabavom. Iznova su se radovali ponovnoj vožnji vozićem.

U Šićki Brod smo se vratili oko 16.30, a današnji, jesenji izlet na Bijambare, ostaće nam u dugom i lijepom sjećanju.



Posjeta Srednjoj bijambarskoj pećini




Učenici V-a i V-b sa razrednicima Muris Tufekčić i Begzada Gutić

**Tekst:** Elvira Šišić, prof. to i inf.  
**Fotografije:** Elvira Šišić, prof. to i inf.

## OBILJEŽEN 31. OKTOBAR, SVJETSKI DAN ŠTEDNJE

31. oktobar, Svjetski dan štednje, u našoj se školi tradicionalno obilježava Danom dječijeg radnog poduzetništva. Na ovaj način, učenike motivišemo na rad, zalaganje, zajedništvo, mjere štednje, druženje, zdravu hranu i higijenu ishrane. Tako je bilo i ove godine, kada je Razvojni tim škole, zajedno sa Vijećem roditelja, Vijećem učenika, Nastavničkim vijećem i ostalim zaposlenicimima, organizovao Prodajni bazar zdrave-domaće hrane, zimnice, napitaka, voća, povrća, koji je za cilj imao ostvarivanje novčane dobiti za kreiranje kvalitetnijeg školskog prostora, nastavnih i vannastavnih aktivnosti. Svega navedenog ne bi bilo, da nije bilo svesrdne pomoći i solidarnosti naših đaka i naravno, njihovih roditelja/staratelja, kojima upućujemo neizmjernu zahvalnost.

O ovogodišnjem, vrlo uspješnom bazaru, puni predivnih utisaka, pričali smo danima.



Dio prodajnog pulta Vijeća učenika



Prodajni pult 7-a



Vrijedna bakica na prodajnom pultu 4-a



Prodajni pult 5-a

**Tekst:** Elvira Šišić, prof. to i inf. i predsjednik Razvojnog tima  
**Fotografije:** Elvira Šišić, prof. to i inf. i predsjednik Razvojnog tima



## UČIMO SE I RAZVIJAMO KRITIČKO MIŠLJENJE

JU OŠ “Bukinje” obuhvaćena je , zajedno sa ostalim osnovnim školama Tuzlanskog kantona, projektom “Škola za 21. stoljeće” koje pod pokroviteljstvom Ministarstva nauke i obrazovanja TK, realizuje Ured British Council u Sarajevu, zajedno sa Vladom Velike Britanije. Projekat podrazumijeva obuku, sprovođenje nastavne prakse i razvijanje vještina “Kritičkog razmišljanja i rješavanja problema” Tri nastavnika naše škole: Haida Ahmetović, Sabina Jogunčić i Elvira Šišić, su zajedno sa direktorom mr. Edinom Tulićem, završili prvu sesiju podučavanja, naša škola dobila je 20 BBC Micro-bit uređaja, nastavnici su pohađali i položili online kurs kodiranja, pa je uslijedila i priprema za prvu Mentorsku posjetu.

Nastavnica Elvira Šišić, razrednik IX-a je u ponedjeljak, 4. 11. 2019. godine, održala čas odjeljske zajednice, kojem su prisustvovali: mr. Edin Tulić-direktor i mr. sci. Amra Okanović-školski pedagog i psiholog. Ovim časom, pokrenuta je sesija uvođenja kritičkog razmišljanja u našoj školi, što očekuje i druge predmetne nastavnike i nastavne predmete.

Kroz predavanja i prezentaciju, učenici IX-a upoznali su se sa vrstama komunikacije u školi, odnosom nastavnika prema učenicima kroz primjenu različitih vrsta komunikacija, sa prednostima i nedostacima različitih komunikacija, te koliko zapravo komunikacija u nastavi, doprinosi razvoju kritičkog razmišljanja, koliko se učenici potiču na kritičko razmišljanje, na koji način iskazuju svoje mišljenje, koriste li se argumentima, poznaju li tehnike kritičkog razmišljanja i sl. Potom su se upoznali sa pojmovima MIŠLJENJE i ČINJENICE, da bi, kroz radionicu, pokazali stepen obuke i usvojenosti znanja o razlučivanju ovih pojmova. Naši gosti, zajedno sa đacima IX-a, uživali su u ovom nastavnom času, a radionicu su odradili sa odličnim rezultatima. Potom je uslijedio uvod u PERSPEKTIVE-načine i uglove/pozicije pogleda i doživljaja osoba, situacija, predmeta i sl. Kroz drugu radionicu “Pogađanja zagonetnog predmeta kroz opipavanje bez mogućnosti gledanja” učenici su zapravo shvatili da perspektive itekako utiču na različito viđenje i procjene: osoba, situacija, a često i površno razmišljanje i donošenje zaključaka.



Učenici IX-a za vrijeme 1. radionice “MIŠLJENJA i ČINJENICE”



Učenici IX-a : Rijad Delić, Emina Lubić i H. Selimović Rijad za vrijeme 2. radionice “PERSPEKTIVE”

**Tekst:** Elvira Šišić, prof. to i inf.

**Fotografije:** Amra Okanović-pedagog psiholog, Amar Žilić-učenik IX-a i Elvira Šišić, razrednik IX-a

## PONOSNI SMO KREATORI BROŠURE SA DIDAKTIČKIM MATERIJALOM ZA INKLUZIVNU NASTAVU

Zavod za odgoj i obrazovanje osoba sa smetnjama u psihičkom i tjelesnom odgoju Tuzla, organizovao je školske 2018/2019. godine, seminar na temu: Izrada didaktičkog materijala za rad sa učenicima koji imaju poteškoće u savladavanju nastavnog gradiva. Seminaru su prisustvovali i nastavnici naše škole. Tom prilikom usvojili smo nove ideje i obogatili svoja znanja. Naučili smo mnogo, pa smo odlučili sa našim maturantima izraditi brošuru koja će nositi sjećanje protkano lijepim trenucima. Brošura je nastala spontano, kao da je samu sebe rodila. U devetim razredima imamo naše mezimice Lubić Eminu u IX-a i Jurić Saru u IX-b, koje su nas motivisale da zajedno učimo, zabavljamo se, da gradimo mostove prijateljstva.


Brošuru smo nazvali „Dijete sam! Želim biti zdrav.“ Crtali smo, kružili, bojili sličice, pravili radne listove i smišljali šta sve možemo uraditi da zajedno budemo sretni, zdravi, nasmijani. Stvarajući ovo naše malo djelo, nastala je i pjesmica. Stih, po stih, riječ po riječ i evo naše pjesmice. Nismo uvijek mogli sami, pa je s nama bila savjetnica Zavoda Selma Hodžić i uposlenici. Pokazali su nam put, otvorili svoja vrata i mi smo vremenom postali jedna porodica. Izradu brošure pomno su pratile pedagogica naše škole Amra Okanović i razrednice Elvira Šišić i Marjana Stevanović.

U brošuri imaju razne sličice koje naši drugari mogu sa drugom, drugaricom, mamom, tatom, bratom, sestrom, složiti, zabaviti se, usvojiti nova znanja i naučiti kako zdravo da žive.

Nadamo se da će naš rad nastaviti naredne generacije. Osmijehimo se, raširimo ruke, iza vrata uvijek nas čeka dobro srce dječije.

**Tekst:** Marjana Stevanović, razrednik IX-b.

**Fotografije brošure:** Amra Okanović-pedagog psiholog



Fotografije dijela Brošure sa didaktičkim materijalom

## RADIONICA NA TEMU "ZIMA"

Maturanti Osnovne škole „Bukinje“ danas su ugostili uposlenike i učenike Zavoda za odgoj i obrazovanje osoba sa smetnjama u psihičkom i tjelesnom odgoju. U sklopu prezentacije brošure, koju su maturanti uradili, organizovana je radionica sa učenicima Zavoda na temu: Zima. Učenici su podijeljeni u šest grupa sa različitim zadacima.

Prva grupa radila je radne listove; tako što je crtala sličice sa motivima zime( sanke, jelku, rukavice, kapu...), lijepila ih na list, a pored sličice napisala njen naziv. Slova su pisali na malim kvadratićima od papira i slagali ih u slagalicu. Pored svake sličice poredani su kvadratići sa slovima koja imenuju tu sličicu. Kada se izmiješaju kvadratići, učenik treba da ih pravilno sklopi na osnovu imena sličice. Druga grupa crtala je na kartonićima sličice: šal, čizme, Snješka Bijelića, džemper, jaknu... i lijepili ih na radni list. Sličicu su imenovali tačkicama , tako da učenik može ponoviti tačkice i dobiti naziv sličice. Treća grupa nacrtala je na velikom papiru Snješka Bijelića i djevojčicu pored njega. Posebno su nacrtali dijelove Snješka Bijelića, iskružili ih; tako da učenik može sklopiti sliku u jednu cjelinu. Posebno su nacrtali dijelove odjeće za djevojčicu i iskružili ih. Zadatak je da se na osnovu datih sličica odjene djevojčica. Četvrta grupa radila je pahuljice. Nacrtali su model pahuljice, kružili pahuljice u raznim oblicima. Zadatak je bio veoma kreativan. Peta grupa pravila je novogodišnje čestitke koje planiramo ponijeti drugarima u Zavod za novogodišnje praznike.

Poleđina čestitke ukrašena je motivima zime i novogodišnjim paketićima i darovima. Učenici su predano radili u opuštenoj atmosferi sa defektologom naše škole Bašić Amelom, pedagogicom Amrom Okanović i nastavnicom Marjanom Stevanović. U svakoj grupi bili su i učenici Zavoda. Odlično su se uklopili sa drugovima i zajedno radili na zadatku. U devetim razredima imamo naše mezimice Lubić Emiru i Jurić Saru koje su nas motivisale da zajedno učimo, zabavljamo se i gradimo mostove prijateljstva. Šesta grupa crtala je srca i jabuke za naše drugove, darivala poklone za uspomenu na današnje druženje.

Sve aktivnosti pratila je savjetnica Zavoda Selma Hodžić sa uposlenicima. Učenici naše škole povelu su svoje drugove u obilazak školskih prostorija, pokazali su im ambijent gdje borave, upoznali ih sa svojim nastavnicima. Radionica je protkana toplinom i pozitivnom energijom. Bilo nam je lijepo, pamtit ćemo ovaj susret jer nam je proširio vidike, donio nova prijateljstva i otvorio vrata za nove susrete.

**Tekst:** Marjana Stevanović, razrednik IX-b.

**Fotografije brošure:** Amra Okanović-pedagog psiholog



Učesnici radionice, đaci Zavoda i maturanti 9-a i 9-b škole "Bukinje"

## NOVOGODIŠNJI PAKETIĆI ZA DRUGARE U ZAVODU

Ove školske godine učenici predmetne nastave prikupljali su slatkiše za novogodišnje paketiće svojim drugarima iz Zavoda . Vrijedno su radili prethodni mjesec i početak decembra kako bi u paketićima bilo zastupljeno sve što su zamislili. I prošle godine posjetili smo naše drugove za novogodišnje praznike i trudit ćemo se da se saradnja nastavi i prenese na sljedeće generacije.

Učenici su imali zadatak da naprave novogodišnje kape, izrade črstitke i požele svojim drugarima najljepše želje. Sa nastavnicama Bešić Olgicom, Suljić Suadom , Marjanom Stevanović i pedagogicom Okanović Amrom pripremili su muzičke numere, izradili muzičke instrumente od flašica u koje su stavili riže, žita, graha i napravili mali orkestar. Uvodni dio časa pjevušili smo pjesmice Zvončići i Kad si sretan, stvarali melodije, veselili se susretu.

U četvrtak, 19.12. 2019. godine posjetili smo Zavod za učenike koji imaju poteškoće u odgoju i obrazovanju. Dočekali su nas raširenih ruku, ozarena lica i znali smo da smo naš cilj ostvarili. Učenik devetog razreda , Omerović Emil bio je Djeda Mraz. Dijelio je paketiće, čestitke, a mi smo zajedno sa drugarima uživali gledajući našeg Emila kako je ozbiljno, ali sa puno ljubavi izvršavao svoj zadatak.

Družili smo se, pjevušili, razmjenjivali darove i gradili mostove protkane prijateljstvom i empatijom.

Bilo nam je lijepo. Ponijeli smo iz Zavoda pozitivnu energiju, pokazali su nam šta sve može složna porodica uraditi i mi smo otišli kućama obogaćeni i spokojni. Sada znamo da smo na pravom putu.



**Tekst:** Marjana Stevanović, razrednik IX-b.  
**Fotografije:** Olgica Bešić, nastavnik

